



An tÚdarás Rialála
Seirbhísí Dlí
Legal Services
Regulatory Authority

Ceapacháin Chomhaltaí Tuata den Choiste Athbhreithnithe de chuid an Údaráis Rialála Seirbhísí Dlí

- Láthair:** Bóthar na gCloch, Baile Átha Cliath 7 (seolfar éisteachtaí cianda sa bhliain 2021)
- Luach Saothair:** Ráta €350 in aghaidh an lae do chomhaltaí tuata
Ráta €455 in aghaidh an lae don Chathaoirleach
Ba cheart a thabhairt faoi deara nach mbeidh aon fhostaithe sa tseirbhís phoiblí i dteideal an ráta lae a fháil, ar aon dul leis an bprionsabal “Duine Amháin, Tuarastal Amháin”.
Tá taisteal agus cothú iníoctha ag rátaí státseirbhíse cuí.
- Riachtanais Ama:** Meastar go seolfar idir ocht suí agus 15 shuí in aghaidh na bliana. Beidh sé riachtanach am breise a chur i leataobh roimh na cruinnithe chun léitheoireacht ullmhúcháin a dhéanamh.

1. Cúlra

Bunaíodh an tÚdarás Rialála Seirbhísí Dlí, ÚRSD, faoin Acht um Rialáil Seirbhísí Dlí, 2015 (“Acht 2015”), mar chomhlacht reachtúil neamhspleách nua atá freagrach as an soláthar seirbhísí dlí ag dlí-chleachtóirí (aturnaetha agus abhcóidí araon) a rialáil agus as a chinntiú go ndéantar caighdeán a chothabháil agus a fheabhsú sa dóigh a soláthraítear seirbhísí den sórt sin sa Stát. Tá roinnt feidhmeanna eile ag an Údarás, a dtugtar achoimre orthu thíos. Ba cheart d’iarratasóirí Acht 2015 a léamh chun sonraí iomlána a fháil. Bunaíodh an tÚdarás go foirmiúil an 1 Deireadh Fómhair 2016.

2. Feidhmeanna ÚRSD

Cuirfidh an tÚdarás na feidhmeanna sonracha seo a leanas i gcrích mar chuid den ról atá aige:

- (1) Na nithe seo a leanas a choimeád faoi athbhreithniú, agus moltaí a chur faoi bhráid an Aire ina leith:
- na ceanglais maidir le glacadh atá ag an Dlí-Chumann, ag Comhairle an Bharra agus ag Cumann Onórach Óstaí an Rí;
 - infhaighteacht agus cáilíocht an oideachais agus na hoiliúna, lena n-áirítear oiliúint leanúnach le haghaidh ghairmeacha na n-aturnaetha agus na n-abhcóidí;
 - beartais i ndáil le daoine a ghlacadh agus/nó beartais an Dlí-Chumann, Comhairle an Bharra agus Chumann Onórach Óstaí an Rí i ndáil le daoine do theacht chun bheith i dteideal cleachtadh;

- d. cóid ghairmiúla;
 - e. mar a eagraítear soláthar seirbhísí dlí sa Stát.
- (2) Faisnéis a scaipeadh maidir leis na ceanglais oideachais agus chreidiúnaithe agus na nithe eile dá dtagraítear thuas a mhéid is cuí le ÚRSD.
 - (3) An cineál agus na leibhéil íosta árachais slánaíochta gairmiúla a theastaíonn a shonrú.
 - (4) Córas iniúchta ar dhlí-chleachtóirí a bhunú agus a riaradh chun críocha an Achta.
 - (5) Gearáin in aghaidh dlí-chleachtóirí a ghlacadh agus a imscrúdú.
 - (6) Rolla na n-abhcóidí cleachtacha a bhunú agus a chothabháil.
 - (7) Feasacht an phobail a chur chun cinn agus faisnéis a scaipeadh ar an bpobal maidir le seirbhísí dlí, lena n-áirítear costas na seirbhísí sin.
 - (8) An tAire Dlí agus Cirt agus Comhionannais a choimeád ar an eolas faoi fhorbairtí i leith seirbhísí dlí a sholáthar, lena n-áirítear costas na seirbhísí sin.
 - (9) An tAire a choimeád ar an eolas faoi fhorbairtí maidir le soláthar seirbhísí dlí agus moltaí a dhéanamh chun cuidiú leis an Aire chun beartas a chomhordú agus a fhorbairt.
 - (10) Tionscadail taighde agus gníomhaíochtaí eile maidir le soláthar seirbhísí dlí a ghabháil de láimh, a choimisiúnú, nó cúnamh a thabhairt ina leith, is tionscadail taighde agus gníomhaíochtaí eile a fhéadfaidh feabhsú ar chaighdeán le haghaidh sholáthar na seirbhísí sin agus feasacht an phobail ina dtaobh a chur chun cinn, agus moltaí a chur faoi bhráid an Aire Dlí agus Cirt agus Comhionannais.
 - (11) Aon fheidhmeanna eile a thugtar dó leis an Acht seo nó le rialacháin arna ndéanamh faoi a chomhlíonadh.

3. Feidhmeanna an Choiste Athbhreithnithe

Faoi Chuid 6 d'Acht 2015, bhunaigh ÚRSD coiste dá ngairtear an Coiste Athbhreithnithe chun críche breithniú a dhéanamh ar athbhreithnithe a iarrann gearánaigh nó dlí-chleachtóirí i ndáil le cinntí de chuid ÚRSD ar ghearáin a bhaineann le seirbhís de chaighdeán neamhdhóthanach nó le costais iomarcacha.

Faoi Chuid 6 d'Acht 2015, tabharfaidh an Coiste Athbhreithnithe deis don ghearánach agus don dlí-chleachtóir araon ráiteas i scríbhinn a thabhairt dó maidir leis an bhfáth a raibh cinneadh ÚRSD mícheart nó éagórach. Déanfaidh an Coiste Athbhreithnithe an t-athbhreithniú a chinneadh ansin trí chinneadh ÚRSD a dhaingniú, tríd an ngearán a tharchur chuig ÚRSD, le cibé ordacháin is dóigh leis an gCoiste Athbhreithnithe is cuí nó is gá, chun go ndéileálfar leis arís, nó trí cheann amháin nó níos mó ná ceann amháin de na hordacháin a eisiúint chuig an dlí-chleachtóir a n-údaráítear do ÚRSD iad a eisiúint faoi alt 60(6) nó alt 61(6) d'Acht 2015, de réir mar a bheidh.

Is é an tÚdarás Rialála Seirbhísí Dlí a cheapfaidh an Coiste Athbhreithnithe. Beidh gach suí den Choiste Athbhreithnithe comhdhéanta de thriúr, ar daoine tuata iad beirt acu agus ar dlí-chleachtóir é nó í duine amháin acu.

4. Sonraíocht faoin bPearsa

Iarrann an tÚdarás Rialála Seirbhísí Dlí iarratais ó iarrthóirí a bhfuil na cáilíochtaí cuí agus an taithí chuí acu ar a gceapadh chuig ceann amháin de na poist do chomhaltaí tuata ar phainéal an Choiste Athbhreithnithe.

Le linn daoine tuata a cheapadh chun bheith ina gcomhaltaí den Choiste Athbhreithnithe, ní mór don Údarás a bheith deimhin de go bhfuil na comhaltaí sin neamhspleách ar na comhlachtaí gairmiúla a shainítear le hAcht 2015, i.e. an Dlí-Chumann, Cumann Onórach Óstaí an Rí agus Comhairle Bharra na hÉireann.

Sainmhínítear “duine tuata” mar a leanas faoi alt 2(3) d’Acht 2015:

“Chun críocha an Achta seo, is duine tuata duine ar dháta ar leith más rud é, ar an dáta sin –

(a) nach aturnae cleachtach ná abhcóide cleachtach é nó í, agus

(b) i gcás gurbh aturnae cleachtach nó abhcóide cleachtach é nó í roimhe sin –

(i) nár bh aturnae cleachtach nó abhcóide cleachtach é nó í i rith na tréimhse 5 bliana díreach roimh an dáta sin, agus

(ii) nár scoir sé nó sí de bheith ina aturnae cleachtach nó ina haturnae cleachtach nó ina abhcóide cleachtach nó ina habhcóide cleachtach mar gheall ar smachtbhanna arna fhorchur air nó uirthi ag comhlacht ar údaraíodh dó ceangal a chur air nó uirthi scor den chleachtadh sin.”

Ní mór do gach iarrthóir an sainmhíniú ar dhuine tuata a chomhlíonadh tráth an iarratais agus ar fud a dtionachta mar chomhaltaí tuata den Choiste Athbhreithnithe.

Ní mór do gach iarrthóir freisin a thaispeáint go bhfuil saineolas nó eolas acu, ar leibhéal sinsearach cuí, ar cheann amháin nó níos mó de na nithe seo a leanas:

- seirbhísí dlí a sholáthar,
- caighdeán a chothabháil i ngairm (lena n-áirítear gairmeacha arna rialáil ag comhlacht reachtúil),
- gearáin a bhaineann le seirbhísí a imscrúdú agus a bhreithniú, nó
- leasanna tomhaltóirí seirbhísí dlí.

5. Téarma Ceapacháin

Beidh comhalta den Choiste Athbhreithnithe i seilbh oifige ar feadh tréimhse 4 bliana ó dháta a cheaptha nó a ceaptha agus beidh sé nó sí incháilithe le haghaidh athcheapadh mar chomhalta ar choinníoll nach mbeidh sé nó sí i seilbh oifige ar feadh tréimhsí is faide sa chomhiomlán ná 8 mbliana.

6. D'Iarratas a Chur Isteach

Ba cheart iarratais a chur isteach go leictreonach le ríomhphost chuig recruit@lsra.ie. Is é **meán lae (12pm) an 06 August 2021** an dáta deiridh ar a nglacfar le hiarratais.

Cuir na foirmeacha seo a leanas isteach:

- d'fhoirm iarratais, bunaithe ar an tsonraíocht faoin bpearsa atá leagtha amach san fhógra seo;
- Agus do CV tacaíochta.

Ní mór d'iarrthóirí teidlíocht dhlíthiúil a bheith acu i leith obair in Éirinn tráth an iarratais.

7. An Próiseas Measúnachta

Tionólfaidh ÚRSD Painéal Measúnachta (an "Painéal") a dhéanfar breithniú agus measúnú ar na hiarratais arna bhfáil.

Déanfaidh an Painéal na nithe seo a leanas:

- na léirithe spéise arna bhfáil a athbhreithniú agus a phlé in aghaidh na gcritéar ceapacháin sonrach don ról, faoi mar atá leagtha amach sa Leabhrán Faisnéise seo;
- iarrthóirí féideartha a mheasúnú tuilleadh, a luaithe a chomhlíonann siad na critéir cheapacháin shonraithe, trí cheann ar bith nó gach ceann de na bearta seo a leanas a dhéanamh:
 - I. Breithniú a dhéanamh ar na hiarratais i scríbhinn;
 - II. agus/nó agallamh/cruinniú/glao comhdhála; agus/nó
 - III. Seiceálacha teistiméirí; agus/nó
 - IV. Aon mhodh roghnúcháin nó fíorúcháin eile a mheasfar a bheith cuí.
- gearrliosta a chur le chéile de na hiarrthóirí is cuícháilithe (bunaithe ar an bhfaisnéis arna tabhairt ag an iarrthóir) atá le ceapadh ag an Údarás.

Tabhair faoi deara nach mbeidh freagracht ar ÚRSD as aon speansais arna dtabhú ag iarrthóirí mar chuid dár bpróiseas roghnúcháin.

8. Rúndacht

Faoi réir fhorálacha an Achta um Shaoráil Faisnéise 2014, caithfear le hiarratais i modh rún daingean. Caitear i modh rúin le haon fhiosruithe, iarratais agus gnéithe de na himeachtaí agus ní nochtar iad d'aon duine, seachas na daoine sin a bhfuil baint dhíreach acu leis an gné sin den phróiseas.

9. Cosaint Sonraí

Is de réir an Rialacháin Ghinearálta maidir le Cosaint Sonraí agus an Achta um Chosaint Sonraí, 2018, a phróiseálfaidh ÚRSD aon sonraí pearsanta arna dtabhairt agat mar chuid d'iarratas ar an ról seo.

Má chuireann tú do shonraí pearsanta isteach lena mbreithniú faoin bpróiseas measúnachta seo (lena n-áirítear d'ainm, do sheoladh, do mhionsonraí teagmhála agus na mionsonraí faoi do stair oideachais agus oibre arna dtabhairt i do curriculum vitae agus do litir chumhdaigh mar chuid den

phróiseas iarratais), beidh tú á aithint go bhféadfaidh ÚRSD agus na daoine sin a bhfuil baint dhíreach acu leis an bphróiseas measúnachta úsáid a bhaint as na sonraí sin chun cabhair agus comhairle a thabhairt don Údarás maidir leis an gceapadh chuig an gCoiste um Ghearáin.

Ní choinneofar na sonraí ar feadh tréimhse is faide ná is gá chun na gcríoch a bhfuil na sonraí sin le próiseáil ina leith, agus coinneofar iad ar bhealach lena gcinnteofar slándáil chuí na sonraí, lena n-áirítear próiseáil neamhúdraithe nó neamhdhleathach sonraí.

Is féidir tuilleadh faisnéise a fháil [anseo](#).

Lúil 2021